

آبونه شرائطی

ممالك عثمانیه ده سنه لکی (۱۶۵) ، الق
آیلنی (۳۵) غروشدر .
ممالك اجنبیه ده سنه لکی (۱۷۱) ، الق
آیلنی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

مسلیکه موافق آثار مع الممنونیه قبول
اولنور . درج ابدلین یازیلر اعاده
اولونماز .

الشیخ الاسلام

س ۱۳۳۰ ۱۳۳۱

اخطارات

رساله مزین آلدینی کو-ترک شریطه
بتون یازیلر هر هانکی بر غزته طرفندن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومروسی محتوی
بولومسی لازمدر .

§

ممالك اجنبیه ایچون آبونه اولالرک
آدرسلریشک فرانسیزجه ده یارلمسی دجا
اولنور .

§

پاره کوندرلدیکی زمانه یه دائر اولدیغیک
واضعا بیلدرلمسی دجا اولنور .

دینی ، علمی ، ادبی ، سیاسی فلسفی هفته لک مجموعه اسلامیه در .

اتبعون اهدکم سبیل الرشاد

والله یهدی من یشاء الی صراط مستقیم
صاحب و مدیر مسئول : ع . اشرف ارباب

جلد ۱۰

۱ اغستوس ۱۳۲۹

نخشبته

۱۱ رمضان شریف ۱۳۳۱

عدد ۲۵۷

نفسیه شریفه

ترجمه سی

قرآنی بز ایندیردک ، بز ؛ اونی محافظه ایده جکرده

البتینه بز .

بسم الله الرحمن الرحيم

انا نحن نزلنا الذکر وانا له لحافظون . . .

روحده ، یعنی بز روحسزلقده برطاقم مخلوقلر اوله یدی امانت کبرای دین
البتہ بوکون باشقه اللرده بولونوردی .

الله عشقنه اولسون آرتیق کوزمزی آچلم ؛ آرتیق کندیمزه کلهم ؛
آرتیق عصرلردن بری المزی قولمزی قیص قیوراق باغلایان شوملعون
یأسی قهرایدوب کندیمزی قورتارلم . الاله ، باش باشه ویردک چالیشلم .
» بز بودین آلمی یی یاشاده جغز . بودین آلمی بزى ابدیا یاشاده جقدر .
دیلم ده بوایمان ایله ، بواطمشان ایله کیجهلی کوندوزلی اوغراشلم .

خواصدن کچینلریز عوامی عطالتله ، جهالتله ، مسکینجه سنه بر
قناعتله ، بوسبتون چیغیرندن چیقمش برتوکله اتمام ایدیورلرکن
کندیلرینک ده سراپا لوٹ یأس ایله آلوده اولدقلرینی هیچ دوشونمورلر!
انصاف ایدیایرسه ، یأسدن بویوک سائق عطالت ، یأسدن یامان دلیل
ذلت ، یأسدن فنا دلیل مسکنت می اولور؟

بزده اولای یأس می مسکنتدن طوغدی ، یوقسه مسکنت می یأسدن
پیدا اولدی ؟ صورت قطعیته کسیدریله مزسده عصرلردن بری
جامعتک روحنی کیره ، ایلکلیرینی قوروتان مرض اجتماعینک یأسدن ،
عز مسزلکدن عبارت اولدینی پک صریح اوله رق کورولور .

ملکت ، مملکتک آتینی اولمادینی ایچون کندینی بیهوده اوزمه یرک
وقتی خوشجه کچیرمه نک یولنه باقق . . . ایشته یاشنی باشنی آلمشک
کنجلره اوتهدن بری توصیه ایتدکلی دستور حرکت !

محمد عاکف

» مسلمانلرک استقبالی یوقدر ؛ مسلمانلق کونک برنده بیقیلوب
کیده جکدر . « دینلر ، اکر او تصور ایتدکلی الیم عاقبتی سوینه
سوینه قارشیلایه جق برطاقم اسافل ایسه : کندیلرینه هیچ برشی دیمه یز .
یوق ، اولیه دکلده ، بو سوزلر حقیقی دینداشلیمیزک حسب حال کریانی
ایسه : اونلرده « یوقاریکی آیت جلیله یی تکرار تکرار او قوییک » دیرز .
کورویورسکزکه : الله ذوالجلال قرآنک ابدیتی الک قوی تا کیدلرله
وعد بویوریور . وعد آلهیده خلف تصوری قابلدیر ؟ پک اعلا ! قرآنی
محافظه اسلامی ؛ اسلامی محافظه ایسه مسلمانلری محافظه دیمک دکیدیر ؟
مسلمانلرک یوقلغنی تصور ایدرسه قرآنک یر یوزنده یاشامسنه امکان
دوشونه بیایر می یز ؟

اوحالده بوقدر یأس ، بوقدر فتور نه دن ایجاب ایدیور ؟ جماعت
مسلمینه روح غیرت ، روح شهامت ، روح امل ، روح عزم ، روح فعالیت
نفخ ایدم جک سینه لروا اسفا که اونفخه دن کلیاً محروم !

ذاتاً جهان اسلامی شو اغلان هجق حاله کترین سبب عقلای مسلمینک
یأسندن باشقه برشی دکدرکه دوشونولورسه بوده ایمانده کی ضعفی ، دها
طوغریبی هیچلکی کوستر .

ایمانی صاغلام بر مؤمن بویله بروعد ازلی قارشیسنده ناصیل اولورده
روح آلهیدن امیدینی کسه بیایر ؟ اکر بزم اوقهرمان اسلامزده بز